

poneretur. At, quoad id consilii non sunt exsecuti, legibus Saxonice priscis standum est. Tantum enim abest, ut Legislatores summi eo Saxonicum ius abrogauerint, ut potius illud in lucem sic censuerint esse renouandum. Quod vel inde patet, quoniam in Ordinatione, qua nunc utimur, Prouinciali Holsatica disertis verbis iuri Saxonico, post consuetudinem rationi naturali et constitutionibus Imperii non contrariam, primae in decidendis causis delatae fuerunt partes, iure Romano quasi stante in limine aut atrio, velut mediastino. Vid. Ordinatio Prouincial. Slesuico-Holsatica P. II. Tit. III. §. 3.

§. XXVII.

Iuris quidem Lubecensis in Holsatiae urbibus receptio iuri Saxonico de sua auctoritate non parum detraxit limitauitque. Putem enim, non inde a ciuitatum Holsaticarum quasi natalibus earumque prima origine Lubecensia statuta statim valuisse apud easdem in iure dicundo. Quoniam aetate ipsa ciuitates Holsaticae ius Lubecense antecedunt, et illae vero semper diuersis a nobilium Holsaticorum iure, quod *ius terrae*, das Land-Recht, in antiquis chartis audit, legibus sunt vsae, das Stadt-Recht, dictis. Vide, quae eam in rem Dn. Praeses in Programmate Dissertationi de bonis hereditate delatis a cognatis intestato mortuis statuto Lubecensi iuxta et Stadeni tum mobilibus tum immobilibus praemisso differuit. Quamquam haec ipsa antiqua ciuitatum Holsaticarum statuta Saxonice legibus, his, quod ante ostendi, in vniuersum introductis, magnam partem responderunt, indeque, quod suspicor, Saxonicum ius etiam nunc in Ciuitatibus Holsaticis cum Lubecensi statuto decisionum norma est, ut subsidiaria. At Imperantium priuilegiis ciuitates Holsaticae iuris Lubecensis vsu debent, recte iudicante
Mol-

Licetque in Ciuitatibus Holsaticis iuri Saxonico hodie deroget ius Lubecense priuilegiis Imperantium illis indultum;